

Achievement of FCS&CA Department during 2020-2021

- 1. PDS Buhfai sem chungchang:** Tun dinhmunah hian FCS&CA Department in PDS buhfai a sem chhuah in a cover zat chu chhungkaw 274877 niin mihring 1212398 (as on 19.02.2021) a ni a. Tin, kum kalta (2020) khan fur laia kawngchhe zual Supply Centre 54-ah fur laia buhfai ei tur (Monsoon Stocking) chhek khawl a ni a, kumin (2021) pawh hian fur laia kal harsatna tur Supply Centre 55-ah buhfai 148617.00 qtls. chhek khawl tan leh mek a ni. Department in hetiang Monsoon Stocking a neih thin avang hian fur khawchhe karah pawh buhfai a harsatna tawh lovin kan kal thei thin a ni.
- 2. AAY chhungkaw hnena Chini sem chungchang:** FCS&CA Department hian January, 2019 atanga vawinni thleng hian chumlo chat lovin AAY chhungkaw hnenah chini 1 kg per family per month in a la sem thei zel a, chini hi kg khatah Rs.24/- hisap a pek thin an ni.
- 3. Gas Supply leh LPG Home Delivery chungchang:** FCS&CA Department hian Sorkar hotute leh Department hotuten nasa taka an thawhrimna avangin Gas Supply chungchangah harsatna lian tham sawi tur awm lovin ala kal thei a, tun dinhmunah phei chuan Gas Supply hi Mizoram-ah a thleng tha hle a ni.

Tin, LPG Home Delivery hi 2019, September thla atang kha Aizawl Khawpui chhunga veng thlan bik 4 (pali)-ah kalpui a ni a, a hlawhtling hle ni a hriat a nih avangin tunah hian veng 28 (sawmhnih pariat)-ah kalpui leh tum niin ruahmanna peih fel tawh a ni a, Financial Year tharah chuan kalpui hman ngei tum a ni. Tin, District Headquarters dangah pawh kalpui tum niin Kolasib khawpui chhungah phei chuan MIZOFED Ltd. te nen LPG Home Delivery kalpui tur hian ruahmanna siam fel thawkhat tawh a ni.

Tin, Mualkhang Bottling Plant tih tawp tak siam that leh na tur leh Bairabi hmun a Oil Depot siamna tur chak tak a buaipui a ni a, a hmunhma pawh IOCL hotute nen tum hnih lai en ho ni tawh in a ram pawh tih fel tawh a ni a, IOC hotute hnena construction buaipui tur a hma lak mek a ni.

- 4. Ration Card Software leh One Nation One Ration Card chungchanf:-** FCS&CA Department in eRCMS software atang khan TPDS a End-to-End Computerization scheme hnuaiah software thar 'Ration Card Management System' (RCMS) hmangin Ration Card a enkawl tawh a, a hma a Ration Card awmsa zawng zawng te kha he RCMS software tharah hian Aadhaar number

tello in Ration Card hi a siam theih tawh loh a ni. Ration Card leh Aadhaar number thlunzawm hi ‘Aadhaar Seeding’ tih a ni. Aadhaar Seeding hi Mizoram-ah hian tunah 81% a ni a, Central Sorkar atanga 2% GSDP hmu thei tur a Aadhaar Seeding target min rawn tuk hi 95% a ni.

Central Sorkar in State tin te One Nation One Ration Card (ONORC) hmang tur a ruahmanna ‘Guidelines’ hrang hrang a duan te chu FCS&CA Deptt, Mizoram pawh hian zawm ve vek in, 1st June 2020 atang khan One Nation One Ration Card hmantheihna State a puan ve kan ni. He ONORC project hnuaiyah hian Mizoram chuan Inter-State Ration Card Portability Transaction 4 (pali) leh Intra-State Ration Card Portability Transaction 1 (pakhat) kan nei ve tawh a. Inter-State Transaction ah hian Tripura atangin Mamit ah Ration buhfai an rawn la a, Intra-State Transaction ah hian Aizawl Tlangnuam Veng atangin Khatla retailer ah Ration buhfai lak a ni. ONORC transaction neih belh tur hian FCS&CA Deptt. chuan ngawrh takin Awareness Campaign kawng hrang hrangin a kalpui mek a ni.

- 5. NFSA Beneficiary revision chungchang:** Food Security dawng thei tur (beneficiary) revision hi nikum(2020) August thla atang khan kalpui tan a ni a, tunah hian selection chu zawh thawkhat tawh niin mipui lamin Aadhaar enrolment duh anga an tih that theihloh avangin Software-ah a khung chak theih lova, hei hian Department-ah harsatna nasa tak min siam a, heng kan harsatna te hi GAD lamin min hriatpuiin Aadhaar enrolment titu tur hnathawk District hrang hrangah an lak belh a hei hian nasa taka min chhawkin NFSA revision pawh reilote-ah felfai tak a zawh theih beisei a ni.
- 6. PMG-KAY buhfai sem chungchang :** Khawvel a COVID-19 hrileng avangin ei leh bar a mi harsa zawk te an buai loh nan Central Sorkar-in nikum(2020) April thla atanga November thla inkar(thla riat chhung) zawng kha AAY leh PHH chhungkua te hnenah mi pakhatah buhfai 5 kgs hisapin thlatin a thlawnin a rawn pe a, he buhfai hi FCS&CA Department chuan tha taka sem tluan theiin a buhfai sem zawng zawng hi 276402.95 qtls. a tling a ni.
- 7. PMG-KAY hnuaiia Dal leh Chana sem chungchang :** COVID-19 hrileng avanga mipui an tam loh nan Central Sorkar chuan AAY leh PHH chhungkua te tan Dal, chhungkaw khatah 1 kg zelin thla thum chhung (April-June, 2020) atan 466.215 MT min rawn pe a, hemi hnu hian July-November, 2020 chhung atan a sem turin Chana, 777.025 MT min rawn pe leh a, hengte hi a dawng tur diktak hnenah fel taka sem vek a ni. Heng Dal leh Chana te hi Central Sorkar duh dan angina a thlawn (free of cost) a sem vek a ni.

8. Migrant Workers te hnena Chana sem: COVID-19 hre leng avang bawh hian nikum 2020 khan Central Sorkar-in kuthnathawk tang khangte (Migrant worker) te hnena a thlawn a sem turin Chana 310 qtls. min rawn pe a hei hi District hrang hrangah sem kual niin Migrant workers zawnchhuah chungchangah harsatna a awm deuh avangin tlem a zawnng sem zawnh loh ala awm a ni.

ADDITIONAL INFORMATION FOR HON'BLE MINISTER, FCS&CA

a) **Aadhaar leh Ration Card chungchang:**

The Department hian RATION CARD MANAGEMENT SYSTEM (RCMS) software hmangin Ration Card hi a enkawl mek a ni. Aadhaar number tel lo chuan RCMS hmang hian Ration Card a siam theih a ni tawh lo.

A hma a kan Ration Card data hi a tam zawk Aadhaar link loh niin, Ration Card leh Aadhaar link hna hi ngawrh taka kalpui mek a ni. Tunah hian NFSA beneficiaries 6,80,696 awm in, chung zinga mi 5,57,616 te hian an Ration Card leh Aadhaar thlunzawm tawh in, Aadhaar Seeding percentage chu 81.92% a ni.

Mipuiten portability an hman theih na tur hian, an Aadhaar leh Ration Card thlunzawm ngei ngei a ngai hmasa a, chumai tawh lovin, an Ration Card information leh Aadhaar information a in an thlap a ngai bawh (100% match). Tun dinhmunah hian NFSA beneficiaries awm zawng zawng (Aadhaar link tawh leh la link lo) atang a chhut in, Aadhaar leh Ration Card information chinfel tawh (Verified and Approved) hi 50.21% a ni.

Khaw kilkhawr zawk a awm ten awlsam zawka DCSO office a kal kher ngai lova Ration Card an siam tir theihna turin Centre in-charge te hnenah an document tul leh pawimawh dangte te submit in, Centre In-charge ten DCSO ah an lo thehluh sak thin a nga an lo bawhzui sak nghal ang. Hemi atan hian Department in order pawh a chhuah tawh nghe nghe a ni vide Order No.B.13016/1/2015-DTE (SPY)/GEN dt.28.07.2020.

b) **Doorstep Delivery fo Foodgrains :**

NFSA,2013 hnuai bufai sem kalpui dan turah, Doorstep Delivery fo Foodgrains hi tih hlawhtlin ngei ngei ngai a ni a, a awmzia chu Retailer (FPS Dealer)-te hian an bufai semtur, Godown atanga an mahni'n an phurh hi phal loh niin, Sorkarin an dawr(shop) thleng a dah tur a ni a, a semtu tur in hnamhnawih phal a ni lo. He dan tihlawhtling tur hian Deptt. chuan theih tawpa hma la in he Transporter/Carrying Contractor hna thawk tur hian MIZOFED Ltd. hi prosposed niin vawi engemaw zat meeting ho anih hnu ah Dt.11.2.2021 khan meeting leh niin hetah hian thutlukna mumal deuh siamin he scheme pilot project atan DCSO Aizawl East huamchung thlan niin MIZOFED Ltd. hian he DCSO huamchung veng/khua tina Motor hman man leh existing FPS carrying rate-te nena chhut a an senso tur leh a phurh dan tur ruahmanna an siam theih nan March/21 thla chanve chung hun pek niin ruahmanna an siamfel zawhah meeting a enho leh tum a ni a, April/21 thla atang pilot project huamchungah hman tan tum a ni.

c) LPG Home Delivery chungchang:

LPG Home Delivery hi 2019, September thla atang kha Aizawl Khawpui chhunga veng thlan bik 4 (pali)-ah kalpui a ni a, a hlawhtling hle ni a hriat a nih avangin tunah hian veng 28 (sawmhni h pariat)-ah kalpui leh tum niin ruahmanna peih fel tawh a ni a, Financial Year tharah chuan kalpui hman ngei tum a ni. LPG Distributor te pawh an huam chhunga veng thlan chhuah bikah LPG Home Delivery kalpui tura ruahmanna siam tan tur leh heng vengah te hian LPG Home Delivery kalpui anih veleh Point Delivery titawp nghal tura hriattirna pek tawh an ni.

Tin, District Headquarters dangah pawh kalpui tum niin Kolasib khawpui chhungah phei chuan MIZOFED Ltd. te nen LPG Home Delivery kalpui tur hian ruahmanna siam fel thawkhat tawh a ni.

d) ePOS Dinmun:

FCS&CA Department hnuai hian FPS (Retailer) 1244 a awm mek a, heng FPS zawng zawng ah hian ePOS device vuah vek tawh an ni. FPS a ePOS device vuah tawh hi 'Automated FPS' tih a ni.

ePOS hmanga Ration buhfai la tur hian Biometric Authentication (ePOS a kut zung nem) kher a ngai tawh a, hetiang a Ration buhfai sem hi Online Ration Distribution tih a ni. Amaherawhchu, thingtlang kilkhawr zawkah te Internet Connection a awm loh avangin FPS 354 (28.45%) laiin Online Mode in Ration buhfai hi an sem ve thei lo a ni.

Central Sawrkar in 2% GSDP Mizoram Sawrkar a puk tir theih na tur in Biometric Authentication thla tin kan neih tur zat percentage min tuk sak hi 95% niin, February thla Ration kha he target hmuh ngei tum in he Department hian Online Mode hmanga Buhfai sem ngei turin FPS Dealer (Retailer) te hnenah DCSO te kal tlang in thu a lo chhuah tawh a. Chumi bawhzui chuan Online a buhfai la thei lo, Aadhaar leh Ration Card la thlunzawm lo te hnenah eng nga maw chen ration buhfai pek theih an ni lo a, chutih rualin FPS Internet Connection neih miah lo 354 lai an awm bawh avangin, February thla ration buhfai la thei lo an tam lutuk a, chu kan dinmun chu dt 26.02.2021 khan GoI ah report niin vide letter No.B.13011/3/2017/-DTE(SPY)GEN. Chhanna kan nghah chhungin hemi ni vek hian DCSO zawng zawng te hnenah Offline a sem phalna lehkha tih chhuah nghal bawh a ni. ePOS hmanga Online Ration Distribution percentage hi 77.73% a ni.

e) **NER (Not Eligible for Ration) Card:**

Mizoram chhunga Non-NFSA beneficiaries zingah mi awmthei leh Hausa tak tak eng nge maw zat an awm a, heng ho hian Ration Card nei mah se Ration buhfai ei duh lovin laina emaw thenawm te leh an ranchaw atan an hmang thin a, Ration Card hi Official Document atan an duh bawk si avangin buhfai lakna tur nilo Ration Card (Not Eligible for Ration) siam sak mai hian Sawrkar in buhfai a lei thin hi tih tlem theih anih rin avangin tunah hian Department hian NER card siam phalna hi Sawrkar ah a dil mek a ni.

Tuna kan Ration Card enkawlina Ration Card Management System (RCMS) ah hian a NER Card hi siam dan a awm avangin, he ruahman hi siam a ni.